



Ko te take o tēnei Whakarāpopoto Kaupapa Here hei whakamārama i ētahi o ngā āhuatanga matua o te Kaupapa Here.

He tirohanga whānui poto noa iho tēnei Whakarāpopoto Kaupapa Here, ā, kāore i te noho hei wāhanga o te kirimana ki waenganui i ngā rōpū.

KIA ĀTA PĀNUITIA TE KAUPAPA HERE.

Kei te Kaupapa Here tūturu te mōhiotia katoa, ā, kei te whakatakotoria ki reira ngā here

Whakarāpopoto Kaupapa Here – Kaupapa Here Mataroa Ka Taea Te Whakahou, Te Tahuri Hoki I Te Roanga (Renewable and Convertible Term Life Policy Summary)

I tēnei Whakarāpopototanga Kaupapa Here, ko ngā kupu “mātou”, “tā mātou” me “tō mātou” ko te *American Income Life Insurance Company*, te kaiinihua i raro i te Kaupapa Here.

Ka tuku te Kaupapa Here i te inihua mō te matenga o te Hunga Whai Inihua

Mā mātou e utu te Rahi Whakarite ki te mate te Hunga Whai Inihua i te wā e mana ana te Kaupapa Here, i te Rā Pau, i mua rānei i taua rā.

Kua whakatakotoria te “Rahi Whakarite”, te ingoa o te “Hunga Whai Inihua”, me te “Rā Pau” ki te Āpitiwhanga Kaupapa Here i te whārangi 3 o te Kaupapa Here.

Ko te tikanga o “mana” kāore anō kia mutu te kapi inihua.

Ka taea te whakakore i te Kaupapa Here i roto tonu i te 10 rā mahi

Ki te whakakorea te Kaupapa Here i roto i te 10 rā mahi o te whiwhi mai i a mātou, ka noho ngā rōpū ki te āhuatanga ōrite i tērā mēnā kāore i tukua he kaupapa here. Ki te pērā, mā mātou e whakahoki ngā utu inihua kua utua.

Ka taea te whakakore i te Kaupapa Here mā te whakamōhio atu ki:

- a mātou, ki ā mātou taipitopito whakapā ki runga ake; tērā rānei
- te kaitohutohu *AIL o Aotearoa* nāna te Kaupapa Here i hoko atu.

Ki te whakakorea te Kaupapa Here ā muri i te 10 rā mahi o te whiwhi i a mātou, kāore mātou e whakahoki i ngā utu inihua kua utua.



Nō te Kaiwhiwhi Kaupapa Here te Kaupapa Here, ā, kei a ia ētahi tika

Ka whakanau pea mātou ki te utu i te āwhina mēnā ka whakapuakina he tauākī kāore i te tika ki te tono

Ka taea e mātou te utu i ngā rahi i raro i te Kaupapa Here ki ngā tini ara

Ko te Kaiwhiwhi Kaupapa Here te tangata nāna te Kaupapa Here. Kei te whakatakotoria tōna ingoa ki te tono, he mea tāpiri, āpiti rānei ki te Kaupapa Here. Tērā pea ko te Kaiwhiwhi Kaupapa Here te Hunga Whai Inihua, tētahi atu rānei.

Kei te Kaiwhiwhi Kaupapa Here ngā tika e whai ake nei:

- te tika ki te tuku i te Kaupapa Here;
- te tika ki te panoni i te Kaiwhiwhi Kaupapa Here, hunga whai pānga rānei; ā,
- te tika hei whakakore i te Kaupapa Here.

Kei te whakatakotoria ngā taipitopito o ēnei tika (tae atu ki ngā here) ki te Kaupapa Here.

Kāore mātou e tautohe kia manakore te Kaupapa Here i runga i tētahi tauākī i whakapuakina e te Hunga Whai Inihua, mōna rānei, ki te kore taua tauākī i whakapuakina ki te tono.

Ā muri i te noho mana a te Kaupapa Here mō te rua tau, kāore mātou e tautohe e manakore ana te Kaupapa Here, atu i te tinihanga, te mūhore rānei ki te utu i ngā utu inihua. Engari kāore tēnei whakaritenga i te hāngai ki ngā Tāpiritanga Kaupapa Here mō te Aweretanga Hauā, te Mate Pokerehū hoki.

Ka manakore anake te Kaupapa Here ina whakatutukihia ngā here ā-ture katoa.

Arā ētahi kōwhiringa mō te utu i te Rahi Whakarite ki te mate te Hunga Whai Inihua. E kīia ana ēnei kōwhiringa ko “Ngā Kōwhiringa Whakataunga”. Ki te kore tētahi o ngā Kōwhiringa Whakataunga e tīpakohia, ka utu mātou i te Rahi Whakarite hei tapeke tōtahi.

Kei te whakatakotoria ngā taipitopito o Ngā Kōwhiringa Whakataunga (tae atu ki ngā here) ki te Kaupapa Here.



Ka tāpiritia pea ētahi āwhina tāpiri ki te Kaupapa Here

Ka tāpiritia pea ētahi āwhina tāpiri ki te Kaupapa Here. Ki te pērā, ka whakatakotoria ia āwhina tāpiri ki tētahi puka “Tāpiritanga Kaupapa Here”.

Hei tauira, mā tētahi Tāpiritanga Kaupapa Here pea e tuku i tētahi o ngā āwhina tāpiri e whai ake nei:

- tētahi āwhina tāpiri mō te mate mā te aituā;
- tētahi utu kua whakaterā mō tētahi wāhanga o te Rahi Whakarite ina ka pāngia te Hunga Whai Inihua ki te mate tuamatangi; tērā rānei
- te kapi inihua mataora tāpiri mā ngā tamariki a te Hunga Whai Inihua.

Ka pēnei i tētahi o ēnei te Tāpiritanga Kaupapa Here:

- ka tāpiritia ki te Kaupapa Here ina tukuna ki a mātou; tērā rānei
- ka tukuna ki a mātou ā muri ake, ki te tāpiritia tētahi Tāpiritanga Kaupapa Here ki te Kaupapa Here ā muri ake.

Ahako ko tēhea, ka noho te Tāpiritanga Kaupapa Here hei wāhanga o te kirimana inihua.

Ka taea te Kaupapa Here te whakahou

Ka whakahōtia pea te Kaupapa Here i te rā whakahou kua whakatakotoria ki te Tāpiritanga Kaupapa Here, mēnā kua utua ngā utu inihua katoa tae atu ki taua rā.

Kāore mātou e hiahia ki ētahi mōhiohio mō te hauora o te Hunga Whai Inihua kia whakahou i te Kaupapa Here.

Ka taea te tahuri te Kaupapa Here hei kaupapa here mataora pūmau

Kei te Hunga Whai Inihua te tika ki te tahuri i te Kaupapa Here ki tētahi mahere pūmau o te inihua mataora ka tukuna e mātou. Mā te mahere pūmau o te inihua mataora e tuku te inihua mataora mō te roanga atu o ngā rā o te ao o te Hunga Whai Inihua, ā, kāore he Rā Pau.

Kāore mātou e hiahia ki ētahi mōhiohio mō te hauora o te Hunga Whai Inihua kia tahuri i te Kaupapa Here.

Kei te whakatakotoria ngā here e hāngai ana ki te kōwhiringa tahuri (tae atu ki ngā here tepe) ki te Kaupapa Here.

Me mātua utu ngā utu inihua auau

Me mātua utu ngā utu inihua auau ki a mātou kia pupuritia tonutia ai te mana o te Kaupapa Here. Kei te whakatakotoria te rahi o ngā utu inihua ki te Āpitihianga Kaupapa Here.

Mēnā kāore anō kia utua te utu i mua i te rā me utu, ka whakaaetia e mātou e 31 ngā rā kia utua te utu inihua. Ki te kore tētahi utu inihua e utua hei te mutunga o te 31 rā, kāore mātou e tuku tonu i te kapi inihua ki raro i te Kaupapa Here.



Te tika ki te whakatū anō i te Kaupapa Here

He tika hoki hei whakatū anō i te Kaupapa Here ā muri i te rā ka mutu tana whaimana katoa. Kei te tukuna e tēnei tika kia whakahokia te Kaupapa Here kia mana katoa hei roto tonu i te wā 5 tau te roa. Ka hāngai hoki ētahi atu ture, whakaritenga hoki ki te whakatū anō i te Kaupapa Here.